



15 JUL, 2024

Transformasikan pasar tamu tanpa hilangkan identiti

Utusan Sarawak, Malaysia

Page 1 of 2



RAKAM KENANGAN... Datuk Seri Mohamad Sabu bergambar bersama yang lain pada Majlis Penyerahan Pasar Tamu Telupid kepada Majlis Daerah Telupid Sempena Road To MAHA 2024 @ Sabah, semalam. • Foto FB

Transformasikan pasar tamu tanpa hilangkan identiti

TELUPID: Kementerian Pertanian dan Keterjaminan Makanan menerusi Lembaga Pemasaran Pertanian Persekutuan (FAMA) terus bekerjasama dengan pihak berkuasa tempatan dalam usaha mentransformasikan operasi pasar tamu tanpa menghilangkan identiti keunikannya.

Menteri Pertanian dan Keterjaminan Makanan Datuk Seri Mohamad Sabu berkata, pasar tamu diadakan secara mingguan di Sabah serta Sarawak bagi menjual barangan tani, dan meskipun pasar itu dinaik taraf ia masih mengekalkan budaya setempat sekali gus mempromosikan pro-

duk usahawan tempatan.

Beliau berkata, FAMA telah menaik taraf enam pasar tamu sedia ada antaranya Pasar Tamu Sook Keningau pada 2017, Pasar Tamu Dataran Tomborungus di Kudat (2019), Pasar Tamu Kunak (2020), Pasar Tamu Beluran (2021), Pasar Tamu Tuaran (2023), dan terbaru Pasar Tamu Telupid.

"Setakat tahun lepas FAMA telah membelanjakan RM5.36 juta bagi usaha menaik taraf pasar tamu itu dan terdapat 41 tapak pasar tamu sedia ada yang akan dinaik taraf bermula tahun ini dengan kos RM10 juta," katanya.

Beliau berkata demikian ketika berucap merasmikan Majlis Penyerahan Pasar Tamu Telupid kepada Majlis Daerah Telupid Sempena Road To MAHA 2024 @ Sabah di sini, semalam.

Mohamad berkata, operasi pasar tamu masih sepenuhnya di bawah kendalian pihak berkuasa tempatan.

Berkaitan projek naik taraf Pasar Tamu Telupid itu, katanya pembinaannya bermula pada 20 Mac tahun lepas serta siap pada 18 Mac tahun ini dengan kos RM852,000 sekali gus memanfaatkan 100 usahawan untuk menjalankan pemiagaan di pasar itu. - Bernama



15 JUL, 2024

Transformasikan pasar tamu tanpa hilangkan identiti

Utusan Sarawak, Malaysia

SUMMARIES

RAKAFVI KENANGAN... Datuk Seri Mohamad Sabu bergambar bersama yang lain pada Majlis Penyerahan Pasar Tamu Telupid kepada Majlis Daerah Telupid Sempena Road To MAHA 2024 @ Sabah, semalam. • Foto FB

TELUPID: Kementerian Pertanian dan Keterjaminan Makanan menerusi Lembaga Pemasaran Pertanian Persekutuan (FAMA) terus bekerjasama dengan pihak berkuasa tempatan dalam usaha mentransformasikan operasi pasar tamu tanpa menghilangkan identiti keunikannya.